

Silat Gayung  
12 OCT 1981  
anjur majlis

Hari Raya 8

**PASUKAN Silat Gayung**  
Balai Rakyat Toa Payoh akan mengadakan perjumpaan Hari Raya Haji pada 17 Oktober ini mulai 7.00 malam di dewan balai tersebut.

Cara-acara yang akan dimuatkan dalam majlis itu ialah nyanyian oleh kumpulan Al-Jawahir, silat gayung, drama dan lawak jenaka.

Mereka khususnya yang tinggal berhampiran dengan balai itu, yang ingin menyertai majlis tersebut, diminta hubungi Raja Mohammed menerusi telefon 7455307, dan Encik Hadi Shafie (2525248) atau Cik Rosna (2521249) untuk mendapatkan keterangan lanjut.

# Seni pertahanan diri: Tindakan kepada peserta2 tidak patuh

**PARA peserta kejohanan seni pertahanan diri** kebangsaan yang tidak mematuhi peraturan pertandingan pada 31 Oktober ini boleh digantung atau diharamkan dari menyertai pertandingan itu di masa depan.

Amaran tegas ini telah diberikan oleh penasihat Persekutuan Pugilistik

Kebangsaan Singapura (SNPF), Encik Lim Chin Teong, yang juga merupakan ketua pengarah eksekutif Persatuan Rakyat (PA).

Persatuan Rakyat dan SNPF adalah penganjur bersama kejohanan itu, yang akan diadakan di Stadium Gay World selama 11 hari.

## Insiden

Encik Lim menyatakan, tindakan itu akan diambil ekoran dari satu insiden pergaduhan yang melibatkan peserta dan penonton dalam demonstrasi seni pertahanan diri anjuran Persatuan Jurulatih Seni Pertahanan Diri, Julai lalu.

Beliau menegaskan bahawa insiden itu telah menjejaskan nama baik pergerakan seni pertahanan diri di sini.

Di samping langkah-langkah mengawal para penonton, pihak penganjur peraduan juga telah menyiapkan peraturan dan denda kepada mereka yang tidak mematuhi

peraturan itu.

Menurut Encik Lim, sebuah jawatankuasa disiplin telah ditubuhkan dengan seorang wakil dari polis untuk mengenakan tindakan disiplin semasa kejohanan itu dijalankan.

"Mereka yang melanggar peraturan tersebut boleh digantung atau diharamkan dari menyertai kejohanan serupa itu di masa depan," kata Encik Lim.

Kejohanan tahun ini berjaya menarik seramai lebih 1,000 peserta.

Pihak penganjur juga mengundang penyertaan dari anggota bukan kerabat SNPF. Beberapa orang peserta dari seni Karate dan Taekwondo dijangka akan mengambil bahagian di samping silat Kung Fu.

Pemenang-pemenang peraduan itu akan ditimbangkan untuk menjadi anggota kontinjen bagi Kejohanan Seni Silat Cina Antarabangsa yang keenam yang akan diadakan di Hong Kong akhir tahun depan.